



CONVOCATORIA PARA A PARTICIPACIÓN NO FONDO SOLIDARIO DE LIBROS DE TEXTO E AXUDAS PARA ADQUIRIR LIBROS DE TEXTO E MATERIAL ESCOLAR CURSO 2024/2025

1.- NORMATIVA REGULADORA.

ORDE do 7 de maio de 2024 pola que se regula a participación no fondo solidario de libros de texto e se convocan axudas para adquirir libros de texto e material escolar destinadas ao alumnado matriculado en educación primaria, educación secundaria obrigatoria e educación especial en centros docentes sostidos con fondos públicos para o curso escolar 2023/24. ([DOG, 20/05/2024](#))

2.- DESTINATARIOS.

- Alumnado de 1º e 2º de Educación Primaria e Ed. Especial: Axudas para adquirir libros de texto.
- Alumnado de 3º e 4º de Educación Primaria: Fondo solidario de libros de texto.
- Todo o alumnado de Educación Primaria: Axudas para a adquisición de material escolar.

3.- PRESENTACIÓN DE SOLICITUDES.

- Poderán presentar solicitudes de participación do fondo solidario de libros de texto e axudas para adquirir libros de texto e material escolar (modelo ED330B) os pais, nais, titores ou representantes legais do alumnado.
- A solicitude será única para todos os fillos que estean admitidos no mesmo centro docente para o curso 2024/25, e nela especificarase o nivel de estudos que espera realizar cada un deles no citado curso. Se estivesen admitidos en centros docentes distintos, presentarase unha solicitude en cada un dos centros, en que se incluírán os admitidos nese centro para o curso 2024/25.
- **As solicitudes presentarase preferiblemente por vía electrónica a través do formulario normalizado (ED330B-anexos I e II)** accesible desde a sede electrónica da Xunta de Galicia, <https://sede.xunta.gal>



- Opcionalmente, **poderán presentar as solicitudes presencialmente na Secretaría do colexio en horario de 9:10 a 11:30** ou en calquera dos lugares e rexistros establecidos na normativa reguladora do procedemento administrativo común.
- Para a presentación electrónica de solicitudes poderá empregarse calquera dos mecanismos de identificación e sinatura admitidos pola sede electrónica da Xunta de Galicia, incluíndo o sistema de usuario e clave Chave365 (<https://sede.xunta.gal/chave365>).
- O formulario de solicitude tamén estará dispoñible nos centros educativos, na sede electrónica da Xunta de Galicia <https://sede.xunta.gal> e na aplicación [fondo libros](#)
- A solicitude deberá estar asinada polo pai, nai, titor/a ou representante legal do alumnado.

4.- PRAZO PARA A PRESENTACIÓN DE SOLICITUDES E OUTRAS DATAS DE INTERESE.

Presentación de solicitudes: Do 21 de maio ao 21 de xuño de 2024 (ambos incluídos)

Devolución de libros de texto do curso 2023/24: 18 de xuño de 2024.

Publicación das listaxes provisionais: 26 de xuño de 2024.

Prazo de reclamación ás listaxes provisionais: 27 e 28 de xuño de 2024.

Publicación das listaxes definitivas: 1 de xullo de 2024.

Entrega de vales: 2 e 3 de xullo de 2024 en horario de 10 a 13 horas.

Entrega de libros do curso 2024/25: En setembro

5.- DOCUMENTACIÓN A PRESENTAR.

As persoas interesadas deberán presentar:

a) [ANEXO I e ANEXO II](#).

b) Copia do libro de familia ou documento equivalente, onde figure o/a alumno/a e os demais membros computables da unidade familiar.

En caso de separación ou divorcio, ademais deberán achegar a sentenza xudicial e/ou convenio regulador onde conste a atribución da custodia do/da menor.

Excepcionalmente (cando non sexa posible facelo polos medios anteriores), poderase acreditar o número de membros computables utilizando algún dos



seguintes medios:

1º. Certificado ou volante de convivencia.

2º. Informe dos servizos sociais ou do órgano equivalente do concello onde resida a familia.

c) Certificado de discapacidade do/da alumno/a ou calquera membro da familia non expedido pola Administración autonómica.

d) Documentación xustificativa da situación de violencia de xénero no ámbito familiar, en calquera das formas que enumera o artigo 5 da Lei 11/2007, do 27 de xullo, galega para a prevención e o tratamento integral da violencia de xénero, cando o agresor forme parte da unidade familiar.

e) Resolución xudicial constitutiva da curatela representativa ou resolución xudicial que estableza a patria potestade prorrogada ou rehabilitada mentres non se produza a revisión desta medida.

f) Resolución administrativa ou xudicial acreditativa da situación de acollemento ou certificado do centro de menores, para o alumnado en situación de tutela ou garda da Xunta de Galicia.

g) Certificado de convivencia, volante de convivencia ou informe dos servizos sociais ou do órgano equivalente do concello onde resida a familia, no caso de que o pai e a nai ou o titor ou titores carezan de DNI e NIE.

Os documentos deberán ser válidos e eficaces no momento da súa presentación e reflectir a situación persoal, familiar e económica en 31 de decembro de 2022, agás cando unha sentenza de separación ou divorcio posterior a esa data atribúa a custodia exclusiva a unha das persoas proxenitoras, nos casos de violencia de xénero e nos casos de falecemento dalgunha das persoas proxenitoras.

6.- OBRIGA DAS PERSOAS BENEFICIARIAS.

- Devolver os libros de texto e o material reutilizable adquirido coas axudas para libros de texto ou recibido do fondo solidario no curso 2023/24. Está excluído desta obriga o alumnado beneficiario de axuda para adquirir libros de texto de 1º e 2º de EP. A falta de devolución dos libros de texto será causa de exclusión da participación no fondo solidario e das axudas para adquirir libros de texto e material escolar no curso 2024/25.



- Conservar en bo estado os libros de texto e o material reutilizable recibido.
- Destinar o importe do vale para libros a adquirir os libros de texto que teña establecido o centro para o alumnado beneficiario.
- Destinar o importe do vale para material a adquirir o material escolar que necesite.
- Respetar as obrigas establecidas no artigo 11 da Lei 9/2007, do 13 de xuño, de subvencións de Galicia.

7.- ASIGNACIÓN DOS LIBROS E CONTÍA DAS AXUDAS.

A asignación de libros de texto correspondentes aos cursos 3º e 4º de EP que estean dispoñibles no fondo solidario do centro, efectuarase:

- a) Ao alumnado que participe no fondo solidario, por orde inversa á renda per cápita da unidade familiar, ata que se esgoten as existencias.
- b) Terá preferencia para esta adxudicación o alumnado en situación de garda ou tutela da Xunta de Galicia ou cunha discapacidade igual ou superior ao 65 %, con independencia da renda.

Unha vez esgotados os libros dispoñibles no fondo solidario, o centro docente adquirirá os libros de texto complementarios que sexan necesarios para garantir:

- Ao alumnado con renda per cápita familiar igual ou inferior a 6.000 €: seis (6) libros de texto.
- Ao alumnado con renda per cápita familiar superior a 6.000 € e igual ou inferior a 10.000 €: catro (4) libros de texto.
- Ao alumnado en situación de garda ou tutela da Xunta de Galicia ou cunha discapacidade igual ou superior ao 65 %: seis (6) libros con independencia da renda.

A contía das axudas para adquirir libros de texto será:

- Para o alumnado de 1º e 2º de EP:



1º. Renda per cápita familiar igual ou inferior a 6.000 €: 240 €

2º. Renda per cápita familiar superior a 6.000 € e igual ou inferior a 10.000 €: 160 €

- Para o alumnado en situación de garda ou tutela da Xunta: 240 €

- Para o alumnado con discapacidade \geq 65% ou de EE: 300 €

A contía das axudas para material será:

- Para o alumnado de EP:

1º. Renda per cápita familiar igual ou inferior a 6.000 €: 75 €

2º. Renda per cápita familiar superior a 6.000 € e igual ou inferior a 10.000 €: 60 €

- Para o alumnado en situación de garda ou tutela da Xunta: 75 €

- Para o alumnado con discapacidade \geq 65% ou de EE: 75 €

8.- RENDA PER CÁPITA DA UNIDADE FAMILIAR.

A renda per cápita da unidade familiar é o resultado de dividir a renda da unidade familiar do exercicio fiscal 2022 entre o número de membros computables, tendo en conta que, computarán por dous os membros que acrediten unha discapacidade igual ou superior ao 33 % ou a percepción dunha pensión da Seguridade Social por incapacidade permanente nos graos de total, absoluta ou grande invalidez, ou a equivalente de clases pasivas.

A renda da unidade familiar será o resultado de sumar as rendas de cada un dos membros computables da familia que obteñan ingresos de calquera natureza, de conformidade coa normativa reguladora do imposto sobre a renda das persoas físicas.

NOTA:

O alumnado de 6º deberá entregar a solicitude no centro no que estea admitido para cursar 1º de ESO o vindeiro ano académico 2024/2025.